



UNIVERSITÄTS-
BIBLIOTHEK
PADERBORN

**Jus Canonicvm R.P. Pavli Laymanni, Soc: Jesu Theologi, Et
Olim In Alma Et Episcopali Academia Dilingana SS.
Canonum Ordinarii Professoris**

Laymann, Paul

Dilingæ, 1666

Capitvlm I. eod. Tit. in 6. Statuimus.

[urn:nbn:de:hbz:466:1-62559](#)

CAPITVLVM I. eod.

Tit. in 6.

Statuimus.

PARAPHRASIS.

Conseruatores, qui à Sede Apostolica deputantur, à manifestis iniurijs ac violentijs defendere debent eos, quorum defensio ac conseruatio ipsis commissa est: Sed ad alia, iudiciale cognitionem exigentia, se intromittere non debent.

SUMMARIUM,

1. Conseruator est, qui à Papa datus ad defendendum aliquos aduersus iniurias & violentias manifestas, absque indagine iudiciali.
2. Recusari non potest, si requisitas qualitates habet.
3. Dari solent Iudices Conseruatores super quibuscumque violentijs & iniurijs.
4. Nec possunt tantum defendere ab iniurijs & violentijs illatis, sed etiam ab inferendis.
5. Regulares Ordines iniuriam passi in causis tam ciuilibus, quam criminalibus, siue autores, siue rei sint, Conseruatorem eligere possunt, qui non tantum in causa manifesta, sed etiam si iudiciale indaginem requirat, siue strepitu iudicij procedat.

Conseruare idem est, quod seruare ius pristinum, vti notauit Cardin. Tuschus ver. conseruare, concl. 759. Quare Iudex conseruator propriissimè dicitur ad seruanda & tuenda iura & priuilegia, quæ v. g. Regularium Ordinibus à Sede Apostolica concessa sunt.

Generalius autem, Iudex conseruator dicitur, qui à Sum. Pontifice datus est, ad defendendum aliquos aduersus iniurias, & violentias manifestas, absque indagine iudicali. Est quidem controversia inter Canonistas, vtrum ab inferiore Ordinario Con-

seruato dari possit: Affirmant enim cum Archidiacono Ancharanuſ h̄c q. 3. Dominicuſ col. 2, Negant vero cum Ioann. Andri. Syl. ver. Conseruator, q. 1, Azor. tom. 2, lib. 5. q. 6. Rodriq. tom. 1, regul. q. 65. a. 1, argum. c. huius, & c. vlt. eod. tit. Et vero secundum formam, quā hodie Conseruatoris dari solitos esse, dicam in fine huiusc. & secundum amplissimam potestatem, vt nomine, ne quidem à Legatis à latere, aut quibusvis Ordinariis in suo officio impediri queant, sed contra ipsos impedire volentes procedere possint, vti Cardin. Tuscuſ refert ver. Conseruator, Hac, inquam, forma, & potestate certum est, Conseruatoris à solo Papa dari posse.

Dantur autem, spectato communi iure, Conseruatores ad arcendas violentias, & iniurias manifestas, sine indagine & inquisitione iudicali. Nomine iniuria intelligebet quocunque damnum iniustè illatum, vbi bene docet Rodriq. a. 12. Manifestum autem dicitur, quod vel ita patens est in publico, vt nulla tergiuersatione celari possit, vel si in iudicio notorium sit, vt si reus à Iudice Conseruatori citatus, secundum Gl. hic ver. coſeruatores, Syl. ver. conseruator, q. 3. dicto, Rodriq. cit. a. 12. ver. aduertendum, & sumitur ex c. vestra, 7. ver. non diffitetur, de cohabit. Cleric. & mulierum. Etenim vtrquacauſu, siue iniuria notoria sit evidentiā facta, siue confessione Rei coram Iudice, cessat dubium & iudicalis inquisitio seu examen.

Quod si vero Reus citatus, mox obiectat iniuriam notoriā non esse, aut quod fecit, se iure fecisse; tunc Conseruator hoc ipsum cognoscere potest, an videlicet crimen notorium sit, adeoque num in hoc caſu iurisdictio sibi competat, h̄c docet Ioann. Andri. paulo post princip. Lapus n. 2. Ancharan. col. 1. Dominic. ad 1. Gl. Syl. cit. q. 1. argum. l. si quis ex aliena, 5. ff. de Iudicij, vbi generatim docent DD. quod Iudex cognoscere possit, an sua sit iurisdictio. Nam alioquin inutilis ferme esset potestas Conseruatoris, si criminoso obiecte defectum notorij, de hoc ipso cognoscere non posset: Cū autem Princeps potestatem alicui cōmittit,

mittit, censetur etiam ea committere, sine quibus res expediri non potest. c. præterea, 5. extrahoc tit.

2. Corollarium I. Licet alioquin Iudex delegatus tanquam suspectus recusari possit; id tamen speciale habet Conseruator, quod recusari non possit, si alias à iure requisitas qualitates habeat, de quibus in c. vlt. hoc tit. Ita Gl. communiter recepta ver. Conseruatores, in fine. Ratio est: *Quia in notorijs non admittitur recusatio, vel appellatio. Sed Iudex Conseruator de notorijs tantum cognoscit. Ergo &c.*

Cæterum si dubium sit de notoreitate, & de hoc dubio Conseruator cognoscere velit, tanquam suspectus recusari poterit: sicuti & appellari à sententia interlocutoria, si factum notorium esse Iudex pronuntiet, vti bene notauit Cardin. Tusclus ver. Conseruator. concl. 760. ex Abb. p. i. consil. 100. n. 3. vbi singulariter notat; Licet in facto notorio appellari non possit, c. cùm sit. 5. §. præterea, iun. Gl. de appellat. tamen à sententia Iudicis declarantis esse notorium, appellari potest.

Corollarium II. Licet alioquin generalitas causarum præsentium, & futurarum à Papa delegari non soleat, cùm per eiusmodi delegationem Ordinariorum potestati multum derogetur, vti Gl. aduertit in c. ad hæc 10. de recript. Multò minus Iudex incertus delegari soleat, quem pars sibi elegerit: cùm poslit propitium seu fauentem sibi diligere, cùm alterius partis detimento, cit. c. ad hæc. Tamen Iudices Conseruatores à Papa dari solent super quibuscunq; violentijs, & iniurijs. Neq; enim obstat secundū; quod ordinariū Iudicum iurisdictioni derogetur. Quia fauor pauperum, & oppressorum, præferunt Ordinum Religiosorum, id persuadet, vt in speciale Sedis Apostolicæ patrocinium recipiantur. Neque obstat secundū; quod oppressores, si laici sint, ad Ecclesiastici Conseruatoris forum trahantur: Cùmenim Ecclesiasticas personas opprimunt, & vexant, tuncque crimen sit mixti fori, vt etiam ad Ecclesiasticum tribunal citari queant, c. cùm sit. 8. de foro compet. & tradit Couar.

in pract. qq. cap. 6 Non obstat tertid: quod causarum generalitas delegetur, & quidem Iudici Conseruatori electo v. g. Regularibus secundū eorum priuilegia. Cùmenim spectato communi iure, Conseruator in causis dubijs iurisdictionem non habeat, sed tantum in manifestis iniurijs, non est periculum, ne in fauorem partis lœse iniustè procedat, vti Anchranus hic notat. col. 1. Deinde, si in causa dubia, aut iudiciale examen requirente procedere debeat, vt suspectus, iusta suspicionis allata causa, recusari poterit: ab eoque siue iudicialiter, siue extrajudiciale liter grauante ad Sedem Apostolicam appellari. Denique Sum. Pontifex ex plenitudine potestatis suæ, ob fauorem publicum personarum, quæ se ipsas defendere non possunt. & sepe opprimenti solent, specialia iura & priuilegia, ultra communes canones concedere non prohibetur, vti Rodriq. notat, cit. q. 65. a. 1.

His addendum est primò: *Quod Iudex Conseruator nontantum defendere possit ab iniurijs & violentijs illatis per censuras compellendo iniuriantem ad satisfactionem competentem; sed etiam ab iniurijs ac violentijs inferidis. Vt si aliquis paratus sit ad vim, aut bellum iniustum inferendum Ecclesiasticis personis, earum Conseruator sub censura excommunicationis præcipere illi potest, vt obstat, argum c. Romana, 5. ver. Cauent, de sent. excommun. in 6.*

Addendum secundò: *Quod Summorum Pontificum priuilegijs ampla supra ius commune facta sit potestas Regularibus Ordinibus, vt iniuriam passi in causis tam ciuilibus, quam criminalibus, & siue actores sint, siue rei, Iudicem Conseruatorem eligere possint, qui non tantum in causa manifesta, sed etiam si iudiciale indaginem requirat, sine strepitū iudicij procedat, vti videre licet apud Syl. ver. Conseruator, q. 3. in fine, Rodriq. cit. q. 65. a. 12. Erasm. Cokier de Conseruator. q. 1. & in comp. priu. Soc. IESV, ver. Conseruator, §. 1. Imò admonet Gl. magna hic, Dominicus in c. vlt. hoc lib. & tit. §. Conseruatores, ver. Quæro, an indistinctè, Nauar. c. 27. man. n. 125. Rodriq. cit. a. 12.*

P p p p quod

674 Decret. Gregor. Lib. I. eod. Tit. in 6. Cap. II.

quod hodie plerumque Conseruatores dari soleant, ut iudicalem cognitionem habeant: Idque ex plenitudine Pontificiae potestatis, ait Rodriq. h̄c a. 1. quæ canonum decretis ita alligata non est, quod minus ex iusta & publica causa recedere possit. Plura dicentur infra c. vlt. hoc tit.

CAPITVLVM II.

Quia Pontificali.

PARAPHRASIS.

Iudices, & Conseruatores à Sede Apostolica deputati, in coactione ac punitione Episcoporum mandata ipsorum violantium, moderatione vti debent, propter reuerentiam Episcopalis culminis: Ita vt Episcopo contumaci primò Ecclesiæ ingressus interdicatur, postea officium sacerdotale, deinde ab officio absolutè suspendatur, & sic deinceps aggrauetur censura: nisi contumacia Episcopi nimis accrescat, vt excommunicatione inferenda videatur. Consentit c. sanè, 11. & c. pastoralis, 28. extrà, eod. & videri potest l. vlt. C. Vbi Senatores &c.

SUMMARIUM.

1. In censuris ferendis, præsertim contra personas ecclesiasticas, gradatim procedendum est, ita vt leuiores prius inferantur.
2. Episcopus contra Iudicem excommunicare volentem, non obseruato hoc ordine, appellare potest, tanquam grauatus; si autem non appelleret, sententia erit valida, licet Index male agat, & puniri possit.

NO TANDVM Vn. In censuris ferendis, præsertim contra personas Ecclesiasticas sublimes, gradatim procedendum est, ita vt leuiores prius inferantur, vti etiam significatur in c. vlt. in fine, vt lite non contentata, & dixi lib. 1. Th. mor. tr. p. 2. c. 1. n. 6. Ratio est: Quia censura est præua medici-

nalis, quæ ideo infertur, vt reus à cōcumacia & culpa recedat, & Ecclesiæ obediens luxur c. 1. de sent. excom. in 6. Quare si finis iste per leuiora remedia obtineri potest, non est ad seuerissimam excommunicationis panam descendendum: nisi grauus, aut diuturna contumacia talem seueritatem exigere videatur, vt ecclesiæ auctoritas, & disciplina Ecclesiastica conseruetur.

QUÆRITVR I. Quæ h̄c dicuntur de Episcopis, an etiam locum habeant in electis ac confirmatis, sed nondum consecratis? Respondendum est affirmatiuē cum Ioann. Andr. h̄c princ. Dominico, ver. Quero an iste textus. Nam generalis regula tradi potest ex Abb. in c. accedentibus, n. 3. de excess. Prælatorum; Quæ Episcopis ratione dignitatis Episcopalis concessa sunt, & non ratione ordinis, ea ab electis & confirmatis, quamvis non consecratis, exerceri posse, vti est dispare, indulgentias dare, Confessarios approbare, exponere &c.

QUÆRITVR II. Si delegatus Papæ non obseruato hoc ordine, Episcopum libi inobedientem ac contumacem statim excommunicet, num valeat sententia? Resp. Quod Episcopus contra Iudicem excommunicare volentem appellare posit, tanquam grauatus. Sin autem non appelleret, videtur sententia valida, licet Iudex male agat, & puniri possit, secundum Gl. hic ver. aliter, Dominic. circa Gl. fin. Tametsi enim prætermisso ordinis ab homine mandante prescripti vitiet processum, c. venerabili, 17. extrà, hoc tit. c. Pisani, 19. de restit. Spoiliatorum; non ita tamen, si ordo à iure prescriptus violetur, nisi si substantialis sit. Ordo autem ille substantialis censi non potest, dummodò contumacia Episcopi grauus & absolutè loquendo, capax sit tanta censuræ.

CAPITVLVM III.

Siduo.

PARAPHRASIS.

Papa tribus Iudicibus causam aliquam delegauerat; duo eorum partem seu articulum